

Presentacionnan fuerte Cont. pagina 20

tambe pa e historiador di carnaval di Polonia cu a duna workshop riba carnaval e atardi di presentacionnan final.

E dos alcaldenan y embahador di Tunecia a ricibi di Juby Naar, pin di Aruba y e representantenan tunecino Nassima Ghannouchi y Mahmoud Bahbiche tambe a ricibi un buki di carnaval di nos isla.

Mester menciona aki cu embahador di Tunecia a haci en-

trega di un cuadro bunita di un modelo y trahe tradicional tunecino, como aprecio na Marcia Stamper pa su atencion durante e anochi di presentacion.

Sr. Milo Croes cu manera ta custumber ta wordo Saluda cu "Aruba Ariba !" tur caminda cu e bay, tabata tin pennan bunita cu bandera y number di Aruba cu a ser entrega na oficialnan gubernamental durante bishitanan.



Tecla Kelly, Sra. Lina Croes y Sr. Milo Croes durante anochi di presentacion di Croacia.

ACTIVIDADNAN

Durante e presentacionnan tabata tin tambe baile na cual participantenan di e convencion por a tuma lugar. Un di nan ta e baile riba musica tunecino, na cual Sr. Milo Croes y Marcia Stamper a participa e anochi aki, sorprendiendo cu nan movecionnan y ritmo, locual tabata un dificultad pa otronan.

Durante un anochi polaco cu grupo musical y di baile di musica polaco, a ser teni un

concurso di baile di "polka". Despues cu a mira cu ningun di e concursantenan por a logra e ritmo aki, finalmente Juby Naar a presenta riba



Representante tunecino Mahoud Gahbiche dren-tando sala cu un di e modelonan tunecino.



Milo Croes bailando cu cantante tunecino durante e anochi di presentacion di Tunecia.

pista, y a bin gana e baile di "polka" hunto cu e representante di Bonaire Charlie Anthony. Juby a sigui despues pa e baile di "polonaise" cu tambe a sorprende e polaconan pa e ritmo.

CAMBIONAN

Den e convencion a ser treci dilanti cambio pa convencionnan entrante 2004, cu ta encera mas workshop y na mes momento involvi comunidnan mas den actividadnan di e convencion.

Pa Ovar otro aña, e delegacion di Ovar, Portugal ya a inclui esaki, pero pa otro convencionnan e topiconan lo ser delibera di antemano.



Susanne Collins di FECC- USA cu maquiyah special y bisti den trahe tunecino como modelo pa e anochi aki.

AWA DI ARUBA

Un paso tabata cu despues di e bishita na Centro Cultural di Bukowina Tatrzanska, pa atardi 4.30 or Juby Naar a tene un charla riba carnaval di Aruba, cultura di Aruba y turismo.

A muestra riba e diferencia entre carnavalnan den e region aki y carnavalnan di mayoria di ciudad na Europa y diferencia entre e musica, tambe manera cu ta celebra y e actividadnan cu tin prome cu yega na e paradanan grandi.

Un di e puntonan pa cual tabata tin masha interes tabata ora cu a papia riba "awa di Aruba" y a compare cu e diferente awanan natural y mineral cu tabata tin den botterman na e centro cultural. Hopi no por a kere di e desalinacion di awa di lama, ya cu eyan ta usando awanan di ceronan y di reservoironan di riuwuan. A tuma e mihor awa natural emboteya y e mihor mineral (cu gas den dje) ya muestra cu nan ta "pisa" y hasta "brak" compara cu e awa di Aruba cu ta ser considera un di e mihornan na mundo.



Grupo di spiritonan di cero den mini carnaval di Milowka.



Agrupacion folklorico animando minicarnaval di Milowka.



Baile di indiannan durante minicarnaval di comunidad Molowka.

E punto aki a pone cu pa diahuebs (dos dia despues) Juby a wordo invita pa na centro cultural di Zakopane, papia atrobe en corto riba carnaval y awa di Aruba y na mes mes momento mira un obra teatral

local, prome cu bolbe hotel pa presentacion di Tunecia. Den otro edicion lo bini riba e cultura di e pueblonan polaco cu a bishita, y e orguyo inmenso cu nan tin pa nan tradicionnan y folklore.